


柳田文庫
文庫11
D 1
24

246



文庫11
D /
24

崇禎閣臣行略

011702039519



崇禎閣臣年表

天啟七年丁卯九月卽位

西蜀太史陳盟雪灘著

黃立極	天啟五年乙丑八月八日閣是年免	楊景辰	同
施鳳來	天啟六年丙寅七月八日閣	李燠	同
張瑞圖	同	周道登	同
李國楫	同	錢龍錫	同
來宗道	是年十一月八日閣	劉鴻訓	同

崇禎閣臣年表

十一

知服齋叢書



元年 戊辰

鳳來	四月免
瑞圖	同
道登	閣 四月入
國楷	五月致仕
龍錫	閣 四月入
宗道	六月予告
鴻訓	二月入閣 十二月以罪謫成
景辰	同

韓

泰昌元年庚申九月入閣天啟四年甲子十二月予告是年六月再召十二月入閣為首輔

二年 己巳

三年

庚午

周延儒	十二月入閣
何如寵	同
錢象坤	同
龍錫	十二月予告
成基命	十月入閣
曠	曠
標	標
道登	正月致仕
延儒	延儒
如寵	如寵
象坤	正月予告
溫體仁	二月予告 六月入閣
吳宗達	九月予告 同

崇禎皇帝行略

知服齋叢書

四年 辛未

延儒

如寵
八月予告

象坤
六月予告

體仁

宗達

五年 壬申

延儒

體仁

宗達

徐光啟
五月入閣

鄭以偉

同

六年 癸酉

延儒

體仁

宗達

光啟
十月奉

以偉
六月奉

六月予告

王應熊
十一月入閣
錢士升
同
何吾騶
同
是歲再召前輔臣何如寵入閣以疾辭不赴

七年 甲戌

體仁

宗達

應熊

士升

吾騶

八年 乙亥

體仁

宗達

應熊

士升

吾騶

張至發

文震孟
五月予告

九月予告

十月致仕

九年 丙子

閏七月入

同十月 罷

體仁

士升

至發

黃士俊

孔貞運

賀逢聖

林鈺

告 四月子

閏六月入

同

同

同是年 五月卒

十年 丁丑

體仁

至發

士俊

貞運

逢聖

告 六月子

予告 十二月

十一年 戊寅

劉宇亮

傅冠

薛國觀

閏八月入

同

同

至發

貞運

逢聖

宇亮

冠

告 四月子

告 六月子

告 三月子

告 八月子

國觀

方逢年

程國祥

楊嗣昌

蔡國用

同

同

同

范復粹

閏是年 十一月 予告

崇禎閣臣行略

四

知服齋叢書

十二年 己卯

同

字亮

奉命督
察追三
月以罪
革職

復粹

國觀

魏炤乘

五月入
閣

國祥

姚明恭

同

嗣昌

八月奉
命勦賊

張四知

同

國用

十三年 庚辰

國觀

嗣昌

國用

復粹

炤乘

十四年 辛巳

六月閒
住

明恭

五月予
告

四知

六月奉

謝陞

五月入
閣

陳演

同

復粹

五月予
告

嗣昌

二月奉
於軍

炤乘

四知

陞

是歲再召周延儒張至發賀逢聖復入閣至發以病
不赴

十五年 壬午

延儒	逢聖	炤乘	四知	陞
六月子告	九月入閣	二月子告	七月子告	四月以罪去
演	蔣德璟	黃景昉	吳牲	
	同	同	同	
是歲十二月召舊輔王應熊				

十六年 癸未

延儒	演	德璟	景昉	方岳貢
五月去任八月			九月子告	十一月入閣

逮十月至京賜死	李建泰	魏藻德	吳牲	
十一月入閣	五月入閣	三月督師五月致仕十月		
是歲前輔臣王應熊至京仍子告				

十七年 甲申

演	德璟	岳貢	建泰	藻德
二月子告未去	二月子告	賊入京被害	奉命勦賊	賊入京被賊害

三月賊入京被害

邛瑜

二月入閣

范景文

同三月賊入京殉難

崇禎內閣行略

西蜀太史陳盟雪灘著

黃立極

號中五北直元城人登甲辰楊守勤榜改庶吉士授簡
討歷陞贊善諭德庶子掌司經局尋陞少詹禮部侍郎
協理府事乙丑八月以禮部尚書同莆田周如盤貴池
丁紹軾涿州馮銓召入內閣十月加太子太保戶部尚
書歷加左柱國少傅進武英建極中極殿為首輔自崑
山顧秉謙去位大獄甫竟旋有要典之役元城筆筆備
位無所短長且與桑梓同調其時有內相外相之稱崇

禎登極漸芟狐黨元城內不自安乃引疾去二年璫案定削籍爲民

施鳳來

號存梅浙平湖人丁未雋禮闈廷對第二人授編修陞南國子司業天啟閒歷陞諭德庶子陞少詹禮部侍郎協理府事掌翰林院印丙寅七月以禮部尚書同晉江張瑞圖高陽李國權入內閣歷加少保少傅左柱國少卿兼太子太師吏部尚書晉中極殿爲首輔崇禎戊辰會試總裁是時魏璫正法逆黨如李蕃李魯生輩尙多在位數年橫被摧抑者猶未能聲明正論時御史楊維

垣有疏沮抑舊輔韓爌及文震孟等詞臣倪元璐疏駁之被旨責具出位元璐欲再駁而憚正氣未伸予時爲國子司業爲請平湖極論之平湖始憬然覺許以改正翌日元璐書再上維垣遂獲罪中外翕然知上意所向平湖一轉之力不可誣也三月引疾乞休加太傅蔭璽丞馳驛己巳璫案定追論黨附革職閒住當丙丁之間璫燄薰灼莫敢嚮邇救正之事豈能望於平湖但以湖上片礪稱頌顯然猶用主持末局得從輕擬之旨

張瑞圖

號一水福建晉江人丁未廷對第三人授編修歷陞庶

崇禎朝臣行略
子掌司經局少詹禮部侍郎丙寅七月以尚書入內閣
歷加少保少傅左柱國少師兼太子太師吏部尚書進
中極殿崇禎戊辰副平湖會試總裁三月引疾去加太
保蔭中書己巳璫案定追論黨附革職晉江爲人和易
無他以上書畫名雖居揆地嘗以吮毫爲事稱頌之碣
瑞圖所書與平湖並峙湖上故不能免云

李國楷

國楷辨胡煥猷疏有引罪語又上疏爲煥猷請寬

號續溪北直高陽人登癸丑周延儒榜改庶吉士授簡
討陞贊善諭德少詹丙寅七月以禮部尚書入內閣故
事詞林必資陳望重始得與枚卜非二十年外不能望

政地自涿州以十三年時被寵命遂爲昭代希有盛事
然猶帶三品銜稍示謙退至是纔一年所竟用正卿入
矣歷加少保少傅少師兼太子太師吏部尚書晉中極
殿崇禎五年九月引疾予告馳驛高陽以權璫桑梓當
元城秉政時官府之交頗合然亦心知其非於士大夫
前閒一剖露及倪元璐疏將再上予爲之言於政府惟
高陽謝過甚切力以改正自任廷論多之既定璫案獨
得從寬議辛未年卒

來宗道

號路然浙蕭山人登甲辰楊守勤榜改庶吉士授簡討

乙卯主福建試陞贊善諭德庶子少詹禮部侍郎南禮部尙書丁卯十二月以本官同楊景辰等入內閣先是蕭山爲宗伯日適崔呈秀以兵部尙書丁母憂該司題請加恩有在天之靈語上閱之亦爲動色明年戊辰改元言官以爲言蕭山不自安六月引疾去己巳璫案定亦坐革職

楊景辰

號侗孩福建晉江人登癸丑科禮闈二名改庶吉士授編修歷陞中允諭德禮部侍郎教習庶吉士尋掌院事丁卯十二月以禮部尙書入內閣晉江本未有挾持兼

語言鈍訥當懷宗初立頗難酬對遂以明年戊辰六月爲言者所攻引去仍予馳驛己巳以璫案追論革職閒住

李標

號建霞北直高邑人登丁未黃士俊榜改庶吉士授簡討歷陞諭德庶子禮部侍郎協理府事時魏璫用事其同邑舊太宰趙公南星以東林黨被罪懼相及遂引疾去丁卯十二月仍以禮部尙書召入內閣蓋是時崇禎登極勵精之初冀得賢輔特召吏部尙書房壯麗總憲曹思誠及河南掌道御史吏科都給事中魏炤乘等入

宗廟閣目行略
內庭上焚香禱於天入諸臣名枚卜金瓶中得六人焉
高邑吳江華亭長山皆卽其家召起政地一時以爲盛
舉戊辰六月加太子太保晉文淵閣庚午二月予告馳
驛去公居心正直協公秉政素毘倚任時論推之故雍
容引退爲差勝云

周道登

號念西吳江人登戊戌趙秉忠榜改庶吉士授編修陞
國子司業庶子掌坊少詹禮部侍郎天啟壬戌加太子
賓客知貢舉尋引疾去丁卯十二月金甌之卜以禮部
尚書召入內閣崇禎戊辰六月加太子太保晉文淵閣

公端亮有執不事纖趨時門戶方熾未有敢稍爲同異
者惟公生平守正在廷多憚之性簡默不尙口亦頗不
合於時居恆面有笑容一日召對上怒顧公問曰卿何
笑公亦質任無所謝言路遂撫他事論公己巳正月引
疾去歸而著書自樂不問戶外壬申以疾卒

錢龍錫

號機山華亭人登丁未科改庶吉士授編修歷陞諭德
少詹事翰林院事禮部侍郎尋以魏璫用事削籍追奪
丁卯十二月金甌之卜以禮部尚書召入內閣崇禎元
年六月加太子太保晉文淵閣至秋召起蒲州公首輔

崇禎朝臣行略 十一
時在廷紛紛請定瑞案江南物望素推重公而一時主持議論則多屬姚俟兩詞林己巳五月山海督師袁崇煥以殺東江總兵毛文龍於海上來告云臣在都門曾商之次輔錢龍錫云至北兵入大安口薄都城崇煥磔西市言者乃爲文龍訟冤並追論崇煥原疏次輔之說謂受指於公十二月公引疾去庚午三月御史范堃極論公遂緹騎逮蓋希陽羨指云先是戊辰冬枚卜陽羨求與名不得以爲憾正公在事日也至是下廷臣議在廷瞻徇無敢寬者賴上意洞然繫獄久之辛未春詞臣黃道周上疏極言時事始從輕議得謫戍定海公在戍

十二年肆赦者再皆不得釋至其子輸粟代贖公罪疏再上值陽羨復秉政又振扼之至甲申乃得復官存問卒於家

劉鴻訓

號青岳山東長山人登癸丑科改庶吉士丙辰授編修歷陞中允諭德丁卯十二月以金甌之卜用禮部尙書召入內閣崇禎元年六月加太子太保進文淵閣公性伉儷遇事敢任在廷翕然稱之是時上方用嚴嚴懲玩愒故事提督京城街道原係府銜不隸於戎政惠安伯張慶臻奉命爲京營總督乃請之長山屬中書增入敕

崇和閣目行冊
內及提督以功令職掌爲言上大怒訶事者且刺得其
關通受賂之人於是並下長山獄罷慶臻先時長山在
政府嘗議事有所不可輒言曰主上畢竟是冲主上聞
而嫌之至是必欲寘之重典幸廷臣力救乃謫戍代州
去竟卒戍所

韓 爌

號象雲山西蒲州人登壬辰翁正春榜改庶吉士授編
修歷陞庶子少詹禮部侍郎己未副使史繼偕總裁會
試教習庶吉士八月光宗登極以禮部尙書入閣加太
子太保少保少傅少師左柱國甲子七月福清葉公向

高予告去位公爲首輔時左副都御史楊漣參大璫魏
忠賢不勝合在廷力併攻朝著闐然卒不勝忠賢欲重
懲一二人以徇公持不可遂中璫忌計徇公而用其
輒降內旨切責皆出中官李永貞手公力辭避賢者路
疏有糠粃在前語益謂崑山南樂也明年大獄興與督
熊廷弼擬辟待決眾論多惜之公尤爲不平於是黃龍
光上甲元免刑疏援嘉靖甲子免行刑例得請龍光公
門生也及廷弼正法追論甲元疏爲受廷弼賄而入楊
漣左光斗等坐職拷訊致之死並建龍光波及公下其
僕韓三詔獄多端文致備極榜楚致死不承乃已公亦

崇禎閣臣行略 三
岌岌矣崇禎元年魏璫伏法予時爲國子司業上疏首
訟公寃特旨承存問廷臣又極言之乃復召公秉政己
巳三月定璫案公生平酷正誠篤忠貞自任有古大臣
之風而時方繩急不無柄鑿未克展其用憎哉庚午六
月引疾馳驛甲申賊入蒲州未敢犯公久之乃卒年近
八旬矣

成基命

號愷予北直大名人登丁未科改庶吉士授編修陞中
允庶子洗馬兼國子司業少詹禮部侍郎掌南京翰林
院丙寅魏璫用事以楊漣同門故奉旨閒住崇禎元年

起原官協理詹事府事己巳特旨晉禮部尙書召入內
閣庚午加太子太保晉文淵閣九月予告公秉性和厚
容儀偉岸貳公弘化宣亮正直在揆席中爲表表云

周延儒

號挹齋宐興人登癸丑會殿皆第一人授修撰陞中允
庶子掌司經局少詹禮部侍郎時懷宗初政簡覈各邊
兵糧八月寧遠兵譁斃其巡撫畢自肅上怒召廷臣語
問寧遠兵何遽譁天語再三莫有對者久之延儒厲聲
奏曰古有羅雀掘鼠而土心不變者上深以爲是復誦
其語再三亦終莫有對者上起令中官出詢班中奏對

何官以職名入上已意屬矣十一月枚卜延儒丐廷推不得會推疏上內錢謙益爲溫體仁以謙益主辛酉浙場錢千秋關節事奏訐上怒褫謙益官聽勘罷枚卜己巳十月又枚卜兩人復不與獨點用大名十一月乃特旨召延儒以禮部尚書同何如寵錢象坤入內閣延儒年方強仕從來詞林躋政地除涿鹿外未有壯齒若斯者庚午加太子太保晉文淵閣七月蒲州高邑大名相繼去延儒遂爲首輔辛未偕何如寵會試總裁壬申加少保少傅吏部尚書進建極殿癸酉予告馳驛恩禮優渥先是戊辰冬之役延儒不獲與謙益嫉視其鄉人而

與烏程比自此與門戶角立旣罷歸猶時時瞻望三台其門人庶吉士張溥爲延儒調停其間與謙益捐除宿憾冀復秉用爲門戶周旋乃釀金近十餘萬付盛順者輦之長安大璫王裕民等咸納其重賂於辛巳春同淄川江夏並召尋加太傅兼太子太保是時流寇狃猖闖毒痛中原獻蹂躪楚蜀邊腹糜潰力不能支錦州圍困甚急先是輔臣謝陞有款邊制寇之議大司馬陳新甲以獨對平臺遂及此上曰可款則款在卿部便宜從事巨乃遣職方郎馬紹愉往議歲以百萬餉之紹愉入報上問何以荅之蓋謂名號言也延儒俯伏不對上慨然

起言官遂劾新甲辱國下之獄大司寇擬新甲在事寇陷襄福二藩抵辟決不待時其實因新甲過被寵任將有爰立意故必殺之爲快癸未加大師奉命督師敗於永平乃以捷聞監軍御史蔣拱辰據實入告上艱然其門人范志完爲總督御兵德州敗衄亦掩敗爲功延儒調旨庇之德州道雷演祚發其事六月遂引疾去八月御史何綸等益盡發其貪穢遣緹騎逮十月至京賜死順城門外紅廟追贓十二萬延儒之再入也引用吳昌時爲吏部濁亂朝政逢迎窺伺一以蒙飾爲巧至於在廷寮案陰陽操縱備極牢籠壬午南闈子弟姻戚俱登

賢書慮門戶人不爲己用欲援夙習同好者繼之知廷臣甚畏渝州每每操之以市重卒之興化甫入隨擠之出科臣熊開元臺臣姜琛交章論其欺飾諸狀俱被杖革職已而渝州竟起門戶乃羣起攻之不遺餘力由延儒上下蒙徇生齒塗炭已極而惟賄是聞偷安旦夕身死未幾而國亦隨之矣

何如寵

號芝岳桐城人登乙未科改庶吉士授編修陞中允庶子國子祭酒詹事禮部侍郎乙丑請告崇禎元年起吏部侍郎協理府事六月陞禮部尚書己巳十二月命以

原官入內閣庚午加太子太保少保戶部尚書晉文淵閣武英殿副荆溪爲會試總裁尋予告馳驛癸酉荆溪罷復召入閣遣行人敦趨就道至淮上辭以疾不赴歸老金陵家居凡九載至辛巳卒公博學洽聞儀表豐潤立志沖恬與物無競荆溪後進垂二十年怙其寵位殊多簡傲公一不較也堅意遐舉士論高之

錢象坤

號麟武浙會稽人登辛丑張以誠榜改庶吉士授簡討陞贊善庶子少詹掌翰林院禮部侍郎請告去丙寅魏璫用事以推禮部尚書閒住崇禎元年三月起掌詹事

府事己巳十二月命以原官入內閣庚午加太子太保晉文淵閣辛未四月請告馳驛公恪守宿望尺度惟謹循循雅飭有儒者風值荆溪當國恃寵藐弄屬其私人武弁某者任京營荆溪入闈而大司馬梁廷棟出之於外廷棟爲公門人因嫌之公遂拂衣去大司馬亦得罪閒任卒於家

溫體仁

號圓嶠浙烏程人登戊戌科改庶吉士授編修陞南國子司業庶子少詹掌翰林院禮部侍郎協理詹事丁卯陞南禮部尚書崇禎元年掌詹事府事冬以枚卜不與

訐奏廷推錢謙益浙閩舉人錢千秋事言廷臣比私背
公大負主上反覆三四疏時上初政勵精尤惡欺蔽得
奏大怒奪謙益職下千秋勘訊黜降其同邑門人給諫
瞿式耜而罷枚卜上意已屬體仁矣然犯門戶鋒益樹
仇敵及荆溪大拜後乃以庚午六月特旨用原官同吳
宗達入內閣七月加太子太保晉文淵閣辛未桐城會
稽相繼去遂與荆溪同心秉政相得甚懽壬申加少保
少傅吏部尚書晉建極殿荆溪去位爲首輔甲戌會試
總裁尋加左柱國少師晉中極殿丁丑予告馳驛體仁
初佻達任率在官職嘗納娼爲妾後稍稍簡約忽以競

進忿爭受上知遇當軸者八年崇禎朝閣臣久任未有
如體仁者小心謹密兢兢自持既與門戶不協兢兢伺
隙遂絕私交謝情面一惟迎合上旨以是上益推重之
去之歲會謙益怨家有擊鼓登聞言事者遂逮謙益謙
益懼體仁修郤不敢前遣其客多方謀之長安中及體
仁出國門而謙益始入說者謂客之計行也歸之明年
卒

吳宗達

號青門常州人登辛丑科殿甲辰榜第三人授編修陞
中允庶子國子祭酒禮部侍郎協理詹事崇禎戊辰陞

吏部侍郎九月陞禮部尚書掌詹事庚午六月以原官
召入內閣歷加太子太保少保少傅吏部尚書進武英
建極殿加少師進中極殿乙亥請告馳驛宗達醕謹諒
直不附門戶於荆溪內戚遂得與烏程並升同心輔政
竟歷六年有非他人所可及者丙子卒於家

徐光啟

號玄扈上海人丁酉領順天解登甲辰科改庶吉士授
簡討歷陞諭德時西洋人利瑪竇初入都光啟從之游
習其厯算大器諸法殊精癸丑分較會闡其厯法一策
光啟筆也會東事起以知兵薦遂陞少詹兼御史練兵

通州是時用嘉靖庚戌例設巡撫潞水爲三輔倚角京
師天啟壬戌陞禮部侍郎罷練事乙丑魏璫用事革職
閒住崇禎改元二月起原官協理詹事己巳任部事庚
午陞尚書掌詹事壬申同鄭以偉入內閣光啟畱心兵
事精於西法沾沾自喜常以未竟其用爲憾九月卒於
位

鄭以偉

號方水江西上饒人登辛丑科改庶吉士授簡討陞贊
善庶子少詹禮部侍郎教習庶吉士天啟甲子冬請告
崇禎己巳起陞禮部尚書掌詹事壬申以原官召入內閣

崇禎閣臣行略
癸酉卒以偉爲人修潔自好文章淵博奇古異常壬子
戊午主考浙江應天試錄推重海內咸膾炙人口

王應熊

號春石四川巴縣人登癸丑會魁改庶吉士授簡討陞
洗馬少詹事崇禎庚午起陞禮部侍郎癸酉陞尚書同
錢士升何吾驪入內閣應熊生平博學多聞嫻熟國家
典故烏程秉政尤倚重毘陵亦稱同心先是蜀撫劉漢
儒以流寇入夔門逮治議推代者應熊舉其同門雲南
布政王維章堪任後流寇再入保寧言者交章論之謂
維章輦金珠寶玉入應熊邸上知應熊素潔操卽撫臣

亦著廉聲然謠詠益甚先是上深惡內門漏泄擬旨廷
臣嘗以此得罪應熊時在告適論者疏票紅未了而應
熊之辨入言官因極糾之遂乞休致乃予告馳驛家居
六年上嘗念之至壬午復召入閣遣行人敦趨是時寇
氛充斥關陝阻塞癸未九月始達京師在廷憚其來謀
所以脫之舊輔周延儒被罪逮不時至上一日顧中官
曰延儒何尙未到中官乘間奏曰聞之外間云延儒需
閣臣王應熊之先人也及至請召覲不報遂乞還山應
熊負才恃氣不合時趨雖居揆路未秉國鈞而鑠金銷
骨者必去之爲快是冬仍以內閣督師西南丁亥自盡

錢士升

號御冷浙江嘉善人以丙辰第一人授修撰陞中允庶子掌司經局少詹事掌南翰林院尋改北詹辛未四月陞南禮部侍郎癸酉以尚書入閣士升本依附東林而私結好烏程烏程善之以爲己助是時陽羨去烏程當國毘陵巴縣皆不爲門戶所喜獨士升與香山是其臭味烏程慎守其官上眷倚殊切諸人亦無隙可乘三五年間小得盜謚丙子以病請放歸士升初以明經赴吏部考注選主簿是秋中北闈遂登狀頭時四十二歲云壬辰年卒於家

何吾騶

號象岡廣東香山人己未二甲四名改庶吉士授編修歷春坊陞少詹事壬申陞禮部侍郎癸酉以尚書入閣乙亥致仕吾騶容儀魁岸與人煦煦樂易依倚時局兢業取容而已

張至發

號憲松淄川人登萬厯辛丑科許獬榜起家玉田遵化令行取禮部主事庚戌考選授御史巡案河南應天陞大理寺丞天啟三年以病去崇禎改元起原官陞順天府丞尋陞光祿卿乙亥陞刑部侍郎是年七月以禮部

侍郎同文震孟入閣與烏程毘陵渝川長山香山共事
自永嘉貴溪後閣臣取之詞林幾八十餘年未有異也
是時上求治切思廣才路故罷甲戌庶常之選以考選
知推改授而是秋至發遂枚卜入閣兢兢奉命惟上意
所向嗣後保舉人才宗室改授更改法度實自茲始矣
逾年陞尚書加太子太保進文淵閣丁丑烏程去國至
發爲首輔總裁會試錄士三百人戊寅請告歸辛巳復
召用壬午再請告至發性謹厚生平在言路無赫赫聲
善獵名譽以致首破成例游居顯位然未能有所建白
斤斤守職而已

文震孟

號湛持長洲人天啟壬戌廷試第一名授編修時四十
九歲矣曾祖徵明授翰林待詔以書畫名於世所稱衡
山者也世以清白稱震孟二十一舉於鄉吳俗一薦賢
書立可致富震孟爲孝廉廿九年家泊如也吳人以是
重之爲人伉儷激昂氣節自負初登第時朝政紛厯大
司寇王公紀以讞中官獄不當內旨革職去位震孟有
憤於中上封事言時政得失內有破帽蒙頭榮於蟒玉
及朝儀唱贊如傀儡之登場等語疏入不報庶吉士鄭
鄮因上言畱中之漸不可開於是並下前疏責以出位

沽名醜詆朝政降震孟邊方襟職而褫鄖官魏璠用事
震孟岌岌不免崇禎改元以原官起補陞中允諭德掌
司經局少詹事乙亥七月以禮部侍郎入閣甫一月爲
都給事中許譽卿求轉官太宰謝陞以其事入告上怒
革譽卿職爲民而罷震孟歸里震孟少遊東林爲時趨
所赴太宰素獨立不以爲然故有是舉甲戌乙亥閒烏
程柄用門戶以爲嫌知上意向莫敢誰何而亟攻其所
與震孟夙負時望標表人物傅冠以西江附之倪元璐
主議論政府銓曹籍爲月旦言路皆取決焉歸之次年
卒

黃士俊

號玉崙廣東順德人以萬厯丁未第一人歷官宮坊少
詹陞禮部侍郎協理詹事己巳陞尙書乙亥掌部事丙
子以原官同孔貞運賀逢聖林鈺入閣是時烏程秉政
武塘淄川佐之士俊中材伴食無所建明然以地遠不
與門戶相暱踰年予告去

孔貞運

號玉橫句容人以萬厯己未一甲二名歷官宮諭日講
官崇禎戊辰六月陞國子祭酒少詹庚午以丁憂去癸
酉起南禮部侍郎尋改吏部丙子以禮部尙書入閣加

太子太保文淵閣丁丑副淄川爲會闈總裁戊寅予告
貞運醇厚和平坐鎮雅俗當烏程時兢兢奉行故事未
能有以異也

賀逢聖

號對揚湖廣江夏人丙辰以廷試第二人歷官宮允國
子司業再陞洗馬丁卯魏璫用事革職爲民崇禎戊辰
正月起陞南國子祭酒五月陞少詹事禮部侍郎癸酉
改吏部乙亥以禮部尚書教習館員是年初用推知改
館職去丙子以原官召入閣戊寅請告辛巳復召用壬
午再請告賜馳驛去逢聖真摯純篤從事理學規矩尺

度雍容雅俗有古大臣風度歸里遇獻賊之禍破城投
水死屍數日不變

林 鈺

號鶴胎福建同安人丙辰會魁廷試一甲三名麻編修
贊善中允丁卯陞國子司業四月魏璫矯旨閒住崇禎
戊辰陞少詹事兼祭酒禮部侍郎教習庶吉士掌翰林
院丙子春以本官入閣五月去官鈺謹愿誠恪訥訥不
能出諸口以去官非罪遂起聲望洵至大位云云時魏
璫竊柄逆焰滔天尸祝生祠騷動天下丁卯有監生陸
萬齡者以忠賢功德上擬孔子請建忠賢祠于國學之

傷奉旨與國學射圃卜地建祠釭于是夜掛冠于國學
櫺星門不辭竟去歸而結廬海濱荒烟寒楚人莫得而
踪跡也

劉宇亮

號蓬玄四川綿竹人己未庶吉士歷簡討贊善諭德庶
子陞少詹事南禮部侍郎丁丑改吏部侍郎尋以禮部
尚書同傅冠薛國觀入閣戊寅晉文淵閣淄川去遂當
國政是歲北兵蹂躪畿輔朝廷憂皇徵兵遣將宇亮素
負勇力自請視師上甚喜十二月出京未具百騎次定
州間陽和總督盧象昇敗勦于井涇遽單騎入真定總

督孫傳庭營已卯正月督諸將至天津特糾總兵劉肇
基逗遛不前有旨卽軍前正法亾何又爲具疏請宥上
怒其反覆矛盾下九卿科道議咸謂其身爲輔臣玩弄
國憲有負委任罪當大不敬上重其法但褫職罷去宇
亮爲人短小精悍生有膂力好技擊雖君之館常與其
家僮角逐爲戲旦夕不倦居平謂張魏公是其里人數
自負人或以此多之然性嗜貨不喜讀書無智識方略
善忌才能勝己者傾軋之不少靳凡史官講進撰文纂
修典試諸差一不與以爲賢初畏惡東林旣而依附房
師武塘援引攻擊巴縣以成己聲譽數年間遂獲大用

云

傅冠

號寄菴南昌人壬戌廷試第二人授編修戊辰二月陞侍讀中允諭德國子祭酒乙亥春陞少詹事掌翰林院教習館員丁丑以禮部尚書入閣戊寅晉文淵閣八月內侍發下擬票本置諸案冠憤憤謂是外來投揭援筆判其上既知誤皇恐引罪遂罷之是科鼎甲三人震孟與陳仁錫同里仁錫素孤行不爲震孟所喜冠獨依附震孟震孟倪元璐嫉言路攻巴縣不爲其所善者擊去之以是黨援日眾卒致登庸然性奢侈不得父歡好長

夜飲過午乃能出肅客祖烟官尙書家本饒裕里第創造宏麗羣妾婢各寘室恣其遊憩取樂乙酉奉命招撫楚寇行次崇安遇賊被殺

薛國觀

號賓廷陝西韓城人登己未科起家萊州府推官行取戶科給事中丁卯以禮科給事中副倪元璐主考江西十月陞刑科都崇禎戊辰冬逆案議起凡官熹宗朝者皆不免洗索時元璐主持議論國觀幸以典試之役與周旋得亾恙乃以己巳二月京察竣遂請終養癸酉補禮科都甲戌會闈分考乙亥陞太常少卿左僉都御史

崇禎曆目行時
丁丑以禮部侍郎入閣戊寅陞尚書加太子太保文淵閣尋以少保改吏部武英殿庚辰會試總裁錄士三百人頃之被議上令閒住去國觀故與烏程善引以爲助時局以爲非其臭味兢兢側目國觀爲人質實少學問闇于大體且不自詞林不曉館閣規制上方惡中書漏泄機務國觀欲取一人繩之以示懲遂發典籍周國興窟穴盤據狀而疏列其所受贓僅得某官餽送書儀一金國興斃於獄行人吳昌時者長洲之甥欲驟儼清要國觀不可陞禮部主事又欲營吏部司官國觀又不可昌時啣之移病去是時上惡外廷黨庇賄賂令金吾洞

察事件無大小以閒而中傷恩怨之私遂行乎其閒昌時故善南北司主考又嘗厚餽遺結納至是以寸紙條國觀得其賄若干上之上大怒遣緹騎逮至京置順城門外寺中賜之帛自縊于梁閒取旨數日下體有脫落者贓四萬金籍其家財曾不及四之一母夫人致居神廟士論冤之

方逢年

號書田嚴州遂安人壬戌二甲四名改庶吉士甲子授編修主湖廣試魏璫用事摘各省試錄有譏諷朝政語與浙江江西主考陳子壯丁乾學俱落職尋內艱丙寅

崇禎曆目行明
復追論革職爲民崇禎戊辰起侍講庶子掌司經局南
國子祭酒陞詹事禮部侍郎戊寅春以禮部尙書同程
國祥楊嗣昌蔡國用入閣八月忽奉旨罷去逢年本庸
才寡學識以受璫螫得名爲時局所屬意逢年亦傾心
歸向故得至此丙戌同馬士英方國安被戮于閩之水
口

程國祥

號我旋上元籍歙人登甲辰科起家確山光山令陞南
考功主事任四年引疾去又十年趙公南星爲太宰起
北吏部歷稽勳至文選主事復引疾去頃之魏璫埽除

太宰黨革職爲民崇禎二年九月起稽勳員外尋轉考
功郎管庚午大計太宰王公永光實爲政稱平允辛未
陞大理寺丞歷太常卿南通政使乙亥陞南工部侍郎
尋改南戶部倉場戊寅以禮部尙書入閣己卯病作請
告歸旋卒于家國祥操行端謹介然孤處終身布蔬不
改儒素趙太宰時所舉河南之夏嘉遇江右之鄒維璉
與國祥皆以清節著稱而公尤寬平和恕故宦業獨隆
甲子在文選時楊御史玉珂以其戚干丞尉選國祥直
舉以入告御史降一級國祥亦請假去旣而悔之在政
府未久然端清正直之操當爲時標表云

楊嗣昌

號文若湖廣武陵人登庚戌科以杭州府授歷南國博
陞戶部主事山東司郎中管新餉是時邊警軍興加派
田畝增關東兵糧歲六百餘萬始設新餉司嗣昌首當
其任精覈敏幹一時咸稱其能壬戌引疾去崇禎戊辰
以邊道起副使參政壬申陞山東巡撫時嗣昌父三邊
總督以撫流賊神一魁爲言路論糾逮下法司嗣昌請
以官贖父罪不允甲戌宣大總督張宗衡罷以嗣昌代
之乙亥工父憂丙子大司馬張鳳翼卒于官時邊警方
殷卽其家起復嗣昌兵部尙書是時流寇充斥幾半天

下官兵不能禦往往尾賊後卽遇賊又常中賊餌卒致
敗嗣昌乃倡爲三正四隅之議欲令南直豫楚秦蜀合
從夾擊視賊所之母令得逸逸者罪之然不能行也丁
丑張獻忠據穀城陝撫鄔撫苗祚土不能制嗣昌請罷
之舉兩廣總督熊文燦督勦流寇獻忠初佯許諾旣以
爭餉遷延撫字久不就戊寅召嗣昌入閣仍管兵部事
賊竟殺穀令屠其城劫監軍張大經竝已降賊衆走入
房縣據之己卯逮文燦下獄治罪嗣昌皇恐乃請解本
兵任舉陽和總督陳新甲自代而已往辦楚賊於是建
五省視師節賜上方劔文司道武總兵而下得自專殺

兵馬錢糧一聽徵調漕粟亦許畱用歲暮出師上自爲詩廷遣之文武郊餞威權之盛近世無比凡用兵十萬本折二百餘萬庚辰駐師襄陽調兵會勦以陝西興安一路失期斬其監軍司道殷太白以殉相持久之值獻忠生日羣賊飲太平之半邊山總兵左良玉請會兵合擊嗣昌不許良玉乃自以往獻忠倉皇墜崖走所殺獲甚眾以捷聞遂謂賊釜底遊魂刻期掃蕩云加太子太保先是嗣昌在朝日嘗言于上曰臣惟恐賊不入蜀巨若以蜀委之必殲賊無疑至是調蜀守防路將 詣軍門計事賊遂乘隙逸入嗣昌乃由夷陵泝江而上至

夔門賊已馳至州南轉薄成都嗣昌又從陸至廣安賊又騰出房縣直趨襄陽破之刃襄王于城上嗣昌復來下抵江陵辛巳二月廿八日自縊嗣昌自恃奇才素嫺兵略撫薊永時嘗爲選人金鏡上之後奪情起復詞臣黃道周廷爭被杖下獄幾陷不測然是役也兵威物力盛極一時獻忠小醜無難殄滅乃至縱之出柙一籌莫展賊從此不可爲矣己卯青山口之入廷臣皆憂深入嗣昌密奏曰北兵患不南巨不過捐十數城我援師麋集可令無隻蹄返也上喜謂嗣昌忠計究亦無功往往大言若此

蔡國用

號靜原江西金谿人登庚戌科起家中書考選授御史
乙丑以丁憂起補值魏璫劄除江西人遂得閒住崇禎
戊辰起用提學應天陞大理寺丞癸酉陞太僕卿乙亥
陞工部侍郎戊寅以禮部尚書入閣己卯改戶部加太
子太保文淵閣庚辰加少保吏部武英殿副國觀總裁
會場出闈甫月餘卒于官國用醇謹之士無他才能遭
值際遇遂至破格亦適逢其會耳

范復粹

號玉坡山東黃縣人登己未科初授開封府推官崇禎

戊辰考選御史巡案江西南京刷卷丙子陞大理寺丞
丁丑九月陞少卿戊寅以禮部侍郎入閣己卯陞戶部
尚書加太子太保文淵閣尋加少保改吏部晉武英殿
辛巳請告去復粹生平謹飭規矩尺度無相業可稱是
歲入政地者五人而外衙門居其四嗚呼亦綦盛矣然
未足爲激勸也

魏炤乘

號瑤海滑縣人登丙辰科初授兗州府金鄉令壬戌考
選給事中乙丑歷陞吏科都給事中戊辰分校會闈陞
太常少卿六月推江西巡撫戊寅陞兵部侍郎協理京

崇禎閣臣行略
營戎政己卯以禮部尚書同姚明恭張四知入閣皆韓
城所汲引也加太子少保辛巳加太子少傅改戶部晉
文淵閣壬午請告命馳驛去炤乘拘謹和易不爲崖岸
而亦不至曲徇人情斤斤尺幅自守乃長厚君子也

姚明恭

號崑斗楚之蘄水人己未會魁改庶吉士丁憂授簡討
陞諭德庶子掌翰林院戊寅陞禮部侍郎教習館員尋
任部事己卯以尚書入閣加太子太保改戶部晉文淵
閣庚辰請告馳驛去公優游臺閣養望表著因出高邑
趙興邦之門興邦以詆訶門戶爲趙公南星所不與時

人以是側目明恭雖與韓城同志然所用舍皆不能自
主亦碌碌從人而已

張四知

號巖叟竟之費人登壬戌科改庶吉士授簡討戊辰分
校會闈五月陞侍講中允諭德乙亥陞南國子祭酒詹
事禮部侍郎己卯以尚書入閣尋加太子少保改戶部
晉文淵閣辛巳加少傅陞吏部晉武英殿壬午請告馳
驛去當壬戌庶常之選三十六人四知貌獨寢才識卑
下游處常與其類俱不敢近方正士也常患惡瘍掌指
閒盡白癩凡講習諸差咸不敢與自安庸劣數退處交

游恆寡時局人以為異己因其地步漸近疏論之而無
可言者言為祭酒日私賣國學倉米若干其實南雍倉
糧大司成司其出入例不稽覈故無左驗四知憤甚遂
於上前極力辨言為廷臣所嫉如此上意頗動韓城因
汲引之遂得大拜歇後鄭五豈足專美於前哉可慨也

謝陞

號青墩山東德州人登萬厯丁未科起家三河遵化令
以丁憂去癸丑補雄縣調滑縣陞吏部考功主事歷文
選郎引疾去甲子濟鶴趙公為太宰遴簡司屬起陞文
選郎受事數日復引疾去太宰留之不得丙寅起陞太

常少卿庚午陞吏部侍郎辛未四月陞南吏部尚書甲
戌改北吏部加太子少保丁丑以薦舉霍惟華為言官
論列閒住去己卯再召為吏部尚書庚辰以禮部尚書
同陳演入閣加少保晉武英殿尋改吏部加少師晉建
極殿壬午復以漏泄機密語為言官論列閒住陞歷官
清潔能不附時趨但谿刻深中絕少情實趙太宰之起
為選郎正以其清而孤立故事推用各官選郎為政太
宰秉成而已公欲少變戛成例每出片紙袖中用其所
欲用者疏名付選郎登啟事陞大慍曰吾不能為太宰
供執筆役也魏璫用事凡不附太宰者皆得起官故陞

復見錄用然門戶人亦無所迂以韓城柄用洵歷華臚
率至揆地

陳演

號贊皇井研人登壬戌科改庶吉士授編修庚午二月
陞中允諭德副姜曰廣主應天試丁丑陞國子祭酒少
詹事掌翰林院庚辰以禮部侍郎入閣辛巳陞尙書晉
文淵閣加太子少保會試總裁時陽羨去位遂爲首揆
申申加少保兼太子太保晉建極殿演謨才寡學惟尙
結納初爲庶常卽與中官交好得洵歷顯職崇禎閒選
用閣員上嘗親策問觀其條荅以見能否是日將南試

枚卜各官中官預得上所欲問事以授演故與簡用壬
午冬已縣復召王應熊入閣時以流寇充斥門戶不憚
而惡之因爲流言於宮禁以熒上聽及至國門遂不復
召見演與有力焉當是時國事垂亾演端居揆席猶怙
寵納賄甲申二月請告有乳媪逸去五城爲之緝捕不
獲以及於難李賊入刑拷追贓四月廿二日賊牽演及
方岳貢魏藻德殺之惠安伯園中嗟乎以萬鎰之玉付
之庸工有不敗裂而破礪者哉是誰之咎已

蔣德璟

號八公閩晉江人登壬戌科改庶吉士授編修陞侍講

崇禎曆目行略
中允癸酉副丁晉主應天鄉試甲戌陞諭德庶子掌司
經局陞少詹事禮部侍郎壬午六月以尙書同黃景昉
吳甡入閣癸未加太子少保改戶部晉武英殿甲申二
月未旬請告去甫出都旬日而城破德璟世家閱諳
練典故謹飭好修循默守成未能有所發摠僅克保其
身而已士論惜之

黃景昉

號東崖晉江人登天啟乙丑科余煌榜改庶吉士授編
修尋陞中允諭德經筵日講官丙子順天主考辛巳陞
詹事掌翰林院事壬午以禮部尙書入閣癸未加太子

少保改戶部頃之請告馳驛去景昉恂恂雅飭曲謹事
上雍容朝堂內外安之亦其際會然也但年逾強仕時
值多艱崎嶇里閭良亦苦矣

吳甡

號鹿友揚州興化人登癸丑科起家邵武調晉江行取
御史丁卯魏璫專權革職爲民崇禎戊辰起補原官歷
巡案河南眞定陝西癸酉陞大理寺丞陞通政甲戌陞
山西巡撫養病去戊寅起兵部侍郎協理京營戎政壬
午以禮部尙書入閣尋加太子少保晉文淵閣會流寇
猖獗上憂之甚一日語閣臣曰流賊猖熾如此誰能爲

崇禎 臣行 冊
朕分憂者姓起奏曰臣不才願往任之上大悅賜尚方
劍命督五省兵會勦初首輔延儒與烏程合而攻錢謙
益東林仇視之既而延儒與門戶釋憾再賜環召乃眾
欲難厭稍不當便加責備延儒頗厭苦之會延儒與故
輔馮銓援恩詔求復冠帶因郊祭日言於眾眾力爭不
可姓又奮厲曰若爾某有掛冠去旨遂罷去延儒心惡
之乃私給姓謂上方憂寇意屬在公若能副上意上必
喜故姓慨然承旨姓既被命中實悔之知爲延儒所賣
乃以徵調邊兵爲詞遷延歲月無去意致有科臣熊姜
交參之疏二臣皆予杖延儒益恨時邊兵薄近畿延儒

一日請於上曰兵已飽歸諸將皆觀望莫肯擊者臣願
親至行間督之庶幾一得當以報上甚喜而預戒裝以
待卽刻叩首辭至外直挈襪被出宣武門偵者以聞上
益喜而延儒之黨遂論姓稽留都門抗旨罪當不赦下
廷臣議乃謫戍雲南金齒衛同官自相傾軋如此而上
不悟可歎也 立乃予回籍

方岳貢

號禹修襄陽穀城人登壬戌科起家戶部主事歷陞郎
中丁卯陞松江知府崇禎改元以天下逋負過多責成
府正行降俸降職法罰多者皆不得遽遷雲間尤稱勦

崇禎朝臣行冊
三
黻岳貢遂降至十五級角帶視事凡爲雲間守十四年
居官清約如一日壬午自解任去囊橐蕭然不能名一
錢士民攀留者數萬舟不得前及以逋糧論逮至京在
廷皆言其賢語聞於上乃陞岳貢漕儲道尋陞都察院
左副都御史癸未三月命以原官同李建泰魏藻德入
閣雲間浮靡澆漓不易治岳貢潔己自好表率僚屬東
南至今稱之崇禎間久任獎廉岳貢足以當之賊至刑
拷無以應然猶與演同被誅戮傷哉其時以逋負淹滯
者猶不乏人岳貢爲最

李建泰

號栝蒼山西曲沃人登乙丑科改庶吉士授編修甲戌
分校會闈陞中允諭德丙子副王錫袞主考應天陞國
子祭酒癸未以吏部侍郎入閣甲申加兵部尚書賜尚
方督師勦寇建泰善操機智以要聲譽故捷得華隴三
月初乃以人望薦舉命出督各路援兵勤王闖賊漸逼
都城計無所出乃上疏請駕南遷願奉太子先行上召
對平臺云國君死社稷朕將何往及甫至真定而京師
陷援兵無至者建泰率其徒走臨清至濟上聞寇敗走
乃復還京仍入閣居久之請告去歸里後因里中人起
義事敗被戮

魏藻德

號思令順天通州人登崇禎庚辰廷試第一人授修撰時北兵大入往來經過潞水既不能禦又不能追逗雷玩怯藻德稔之甚悉乃具疏言其事然條奏寥寥又卑卑無甚高論上獨心異之意其能兵癸未枚卜遂特召以少詹事入閣卽命副陳演總裁會闈以示優異然時事日非卒筆筆不能展一籌寇陷都城被殺

邛瑜

號鞠懷襄陽宜城人登己丑會魁改庶吉士授檢討分校會闈陞中允諭德日講官辛巳陞少詹禮部侍郎甲

申二月以原官同范景文入閣公清修自好爲上所知以寇氛孔亟踰月而都城陷瑜自盡

范景文

號質公河間吳橋人登癸丑科起家東昌府推官陞吏部主事驗封郎給假甲子起文選郎陞太常少卿以丁憂去己巳七月起陞河南巡撫是冬北兵入大安口景文提兵入援庚午三月陞兵部侍郎壬申請告去甲戌起陞南都察院左都御史乙亥陞南兵部尙書己卯時少詹黃道周以論楊嗣昌奪情杖下獄景文疏救忤旨落職爲民大爲時論所推壬午起刑部尙書尋改工部

甲申二月以原官入閣三月寇逼都城景文請奉太子南遷上不決及寇入從容殉難景文慷爽豪俠而沾沾自喜居官儉樸獨好音樂每燕必陳歌妓與門戶交契座客常滿雖小有蹉跌卒以是得力云

崇禎閣臣行略終

順德龍鳳鑣校采

